



武家神考  
三



本朝神社考中之三 羅浮子道春撰  
朝廷所立崇之二十有二社則上卷吾  
既載今又中卷所記自熊野至下照姬  
比賣語曾神代卷所在也故先之自吉  
備至衣通姬玉津嶋人皇紀所在也故  
次之蟻通宇治與玉津島爲和歌神也  
故附之自葛木至伯耆太山聚山類也

故列之。賀春赤山新羅澄仁珍之所託也。故贅之。自卒川三枝祭至中山年中行事之神也。故出之。疫神請雨者除疾養民也。故祝以載之。藤森者以修日本紀。故表而終之。今吾神社考亦不有日本紀不可為乎。於乎微舍人親王。吾其何以徵之矣。

目錄

熊野	多賀	白山
大社	日前	太玉
高市	手力雄	西宮
木幡	鹿島	香取
三島	生田	長田
諏訪	五條天神	南宮

宗像 ムナカタ

宇佐 ウサ

嚴嶋 イツラシマ

比賣語曾 ヒメコトコト

吉備 キヒ

阿蘇 アソ

熱田

白鳥

膽吹 イナフキ

氣比

香椎 カシキ

宇淤 ウヅ

箱崎

松浦 マツウラ

高良

玉津嶋

蟻通

橋姬

足羽 アソ

本朝神社考中之三

羅浮子道春撰

### 熊野

熊野本是  
日本記初也

日本紀神代卷伊弉册尊生火神時被灼而神退去矣。故葬於紀伊國熊野之有馬村焉。土俗祭此神之魂者。花時亦以花祭。又用鼓吹幡旗歌舞而祭矣。纂疏曰。古事記舊事紀等謂伊弉册尊神去葬出雲國與伯耆國之界。比婆山不與此書同。社家者說熊野權現者。自天竺飛來之神也。今見此神書為伊弉册尊者矣。故諸道博士勘文多引此書為据。白河院詣熊野時見路傍。花盛開。詠

和歌曰左伎介保布波那能氣志紀牟美屢加羅  
尼軻弥乃許々盧曾贈羅尼志羅留々是亦以花  
祭之意乎新古今  
載此歌

神代卷又曰伊弉諾尊與伊弉册尊盟之乃所唾  
之神号曰速玉之男次掃之神号曰泉津事解之男  
凡一神矣ステ  
ノカミス神名帳曰紀伊國牟婁郡熊野早玉  
神社今案速玉之男事解之男伊弉册尊是熊野  
三所權現也

古今皇代圖云崇神天皇六十五年始建熊野本  
宮景行天皇五十八年建熊野新宮

後漢書東夷傳倭國部曰會稽海外有東鞮人又  
有夷洲及澶洲傳言秦始皇遣方士徐福將童男  
女數千人入海求蓬萊神仙不得徐福畏誅不敢  
還遂止此洲

沙門中津号絶入明明太祖問徐福事津答之以  
詩曰熊野峯前徐福祠滿山藥草雨餘肥祗今海  
上波濤穩萬里好風須早歸太祖和曰熊野峯前  
血食祠松根琥珀也應肥昔時徐福求仙藥直到  
如今竟不歸

熊野權現證誠殿本地阿弥陀

兩所權現者藥師觀音傳言伊弉諾伊弉册也

若一王子者施無畏大士号曰日本第一太

靈驗熊野三處權現

飛瀧大薩埵本地千手觀音

十二處權現

山王院大師詣熊野雲霧隔峯荆棘埋道迷而不能行留于瀧下祈七日有八尺靈鳥飛來示路遂得到祠所謂八尺長頭巾表此也

華山法皇入那智山不出三年其精修勵苦苦行者皆取法一日神龍降獻如意珠一顆水晶念珠一串海貝一枚法皇置寶珠于岩屋納念珠于千手院以為地鎮苦行上首傳之秘授至今海貝九穴沈瀧底俗曰食九穴貝者未年不老蓋欲令飲瀧水者得延齡也白河院聞貝事勅弄潮者入瀧下搜之潮人出奏曰貝猶在徑三尺許自法皇修練此地苦行者六十人到今不絕又云花山法皇在那智山時天狗多為祟因令安倍晴明祭之晴明咒眾魔于狩籠岩屋

而收焉。那智行者有懈怠則天狗出成嬉害云

熊野御幸者

平城天皇

花山法皇

白河法皇

三山五箇度

堀河院

三山一度

鳥羽法皇

三山八度

世傳解脫上人請熊野熊野權現告上人曰法  
華經曰諸佛救世者住於大神通為悅衆生故  
現無量神力

昔婦人詣熊野先達行者欲密犯婦詐諾一日  
延一日一夕甚迫婦曰必期明夜其翌旦婦不  
食而有憂色婢恠問婦告實婢請曰勿憂也我  
代而當之中夜不可知也婦悅而飲食及夜婢  
臥婦所先達果來通焉後數日先達為金熊野  
山謂  
為金婦與婢無恙

### 多賀

一作多河

神代卷伊勢諾尊構幽宮于淡路之洲寂然長隱  
亦曰伊勢諾尊登天報命仍留宅於日之少宮矣

舊事紀伊辨諾尊坐淡路之多賀

神名帳淡路津名郡伊佐奈岐神社

神書鈔曰日之少宮者近江國犬上郡多賀大明

神是也近江在良方日之所初出也故曰日之少

宮出雲杵築宮在乾方故曰日隅宮日之所入也

惠勝居太安寺寶龜之間游方至近州御上嶺

陀我神祠側宿一舍夢人語曰為我當讀法華

覺而怪之明白小白猿來語勝曰我昔為東天

竺國王彼國時有沙門數千我下勅括比丘私

度我當時不廢佛法只禁多徒而受報為猿神

師願仕此看讀脫我苦趣勝曰此地無供不能

久居神曰勿慮也我伸供養又淺井郡有諸淨

衆願勸彼同讀勝赴彼說此事時山階寺滿願

法師在焉曰是事難信諸比丘皆曰然忽童子

走來曰堂上有小白猿衆僧出見之其堂九間

宛構大材俄倒碎諸衆知猴神所為始信勝言

往彼同讀法華

### 白山 加賀國

神代卷伊辨諾尊至伊辨冊尊所曰吾當留此國



不可共去。時菊理媛命有白事。伊弉諾尊聞而善之。乃散去。

余案神書鈔。以菊理媛為加賀白山權現。雖然其顯于神融時。自名伊弉諾。則世人遂從其義。今見延喜式神名帳載加賀國石川郡白山比咩神社。則又為菊理媛歟。並書以傳疑云。

白山明神者伊弉諾尊也。初泰澄法師。携越前州越知峯。常望白山。曰彼雪嶺必有靈神。我當登彼乞顯應。靈龜二年。夢天女瓊瑤嚴身。出紫雲中。曰靈感時。至蚤可戾止。養老元年四月一日。澄往白

山麓。大田隈宮河東伊野原。乃專心持誦。時廟所夢天女現身。曰此地大德之母產穢之所。非結果之地。此東林泉吾所遊止也。師移彼言已形隱。澄到彼持念如前。天女又來曰。我雖在天嶺恒遊。此林此林為我中居。上護一人。下撫萬民。大德諦聽。日本秋津嶋。本是神國也。國常立尊乃神代最初國主也。次國狹槌尊。次豐斟淳尊。次泥土瓊尊。沙土瓊尊。次大戸之道尊。大戸間邊尊。次面垂尊。惶根尊。次伊弉諾尊。伊弉冊尊。謂之天神七代。五口是伊弉諾尊也。今号妙理大菩薩。此神岳白嶺者我

主國之時，都城也。我乃日域男女之元神也。天照  
大神者我子也。天忍穗耳尊我孫也。其子天津彦  
彦火瓊杵尊受祖天照大神敕降治此國。始為  
地居饗國三十一萬八千五百四十二年。生彦火  
火出見尊饗國六十三萬七千八百九十二年。生  
彦波瀲武鸕鷀草薹不合尊饗國八十三萬六千  
四十二年。是名地神五代。人皇第一國主神武天  
皇者鸕鷀草薹尊第四子也。在位七十六歲。天皇年  
四十六。始登皇位。辛酉之歲也。云云。吾真身在彼  
天嶺。天德往見之言已。天女乃隱。澄乃登白山天

嶺。絕頂居綠碧池。側持誦專注。忽九頭龍出池面。  
澄曰。是方便現跡。非本地。真身持念。除確頃刻。十  
一面觀自在菩薩。妙相端嚴。光彩赫熾。澄誓首禮。  
足白。言像未。衆生願垂救拯。于時菩薩搖金冠。瞬  
蓮眼。而許之。拜不畢。三妙跡已隱。澄又度左澗上。  
孤峯。值一偉大夫。手握金箭。肩橫銀弓。含笑曰。我  
是妙理大菩薩之輔也。名曰小白山。大行事。天德  
當知。聖觀自在之反身也。言已。乃隱。澄又昇右峯。  
見一奇眼。老翁神宇闢。雜語曰。我是妙理大菩薩  
之彌也。名曰大已。貴西劍主也。言已。又隱。自此靈

感益顯著也。澄嘗語人曰。妙理菩薩曰。我山中一  
草一木。無不我眷屬之所居。一乃眷屬妙德降迹。  
十方金剛童子遍告。垂化五方八千采女。堅牢女  
天之變作也。

泰德初名曰越。太德後号神融。又改泰證。其後  
改證為澄。

傳記云。白山妙理權現者。觀音菩薩。之垂迹自在  
吉祥之化現也。小白山。大行事者。妙理菩薩之輔。  
而觀音之化也。大已貴者。妙理菩薩之彌而西刹。  
教主阿彌陀也。号之白山三所權現。佐羅早松。太  
明神。本地不動明王也。白山上社之中中宮權現者。國常  
立尊也。金釧明神者。本地俱梨伽羅不動也。此  
妙理權現第一。王子也。弘仁十四年立此宮。

### 大社

一作多社。又作多生。

日本紀。伊弉諾尊。伊弉册尊。生素戔嗚尊。素戔嗚尊。素戔嗚尊。素戔嗚尊。此神有勇悍。以安忍。日常以哭泣為行。  
故令國內人民。多以矢折。復使青山變枯。故其父  
母二神。勅素戔嗚尊。汝甚無道。不可以君臨宇宙。  
固當遠適之於根國矣。遂逐之於是。素戔嗚尊請

曰吾今奉教將就根國故欲暫向高天原與姊相  
 見而後求退矣勅許之乃昇詣之於天也天照太  
 神素知其神暴惡至聞來詣之狀乃勃然而驚曰  
 吾弟之來豈以善意乎謂當有奪國之志歟而徑  
 詰問焉素戔鳴尊對曰吾元無黑心但父已有嚴  
 勅將求就乎根國如不與姊相見吾何能敢去是  
 以跋涉雲霧遠自來參不意阿姊翻起嚴顏于時  
 天照太神復問曰若然者將何以明余之赤心也  
 對云請與姊共誓夫誓約之中必當生子如吾所  
 生是女者則可以為有濁心若是男者則可以為

有清心於是共生三女五男矣是後天照太神以  
 天狹田長田為御田時素戔鳴尊則重播種子且  
 毀其畔秋則放天班駒使伏田中復見太神當新  
 嘗時則隕於屎於新宮又見太神方織神衣居齋  
 服殿則剥天班駒穿殿薨而投納是時太神驚動  
 以檢傷身由此發愠乃入于天石竈于時諸神計  
 而奉出然後歸罪過於素戔鳴尊而科之以千座  
 置戶遂促徵矣至使拔髮以贖其罪亦曰拔其手  
 足之爪贖之已而竟遂降焉素戔鳴尊降去于時  
 霖也素戔鳴尊結束青草以為笠篾而乞宿於眾

神衆神曰汝是躬行濁惡而見逐謫者如何之宿  
於我遂同距之是以風雨雖甚不得留休而辛苦  
降矣自尔以來世諱著笠簔以入他人屋內又諱  
負夷草以入他人家內有犯此者必債解除此太  
古之遺法也素戔嗚尊到於出雲國鯨之川上有  
一老公與老波中間置一少女撫而哭之素戔嗚  
尊問之對曰吾是國神号脚摩乳我妻号手摩乳  
此童女是吾兒也號奇稻田姬吾兒有八箇少女  
每年為八歧大蛇所吞今此少童且臨被吞無由  
脫免故以哀傷素戔嗚尊曰汝當以女奉吾立化

奇稻田姬為湯津八櫛而接於御髻乃使釀八醜  
酒八槽而待之果大蛇頭尾各八歧眼如赤酸醬  
松栢生於背上海延於八丘八谷之間及至飲醉  
而睡尊拔所帶十握劍寸斬其蛇至尾劍又少缺  
故割其尾視之中有一劍此所謂草薙劍也  
雲劍其大蛇所居之上常有雲氣故以尊曰是神  
名於至日本武皇日子改名曰草薙劍  
彼處建宮時尊歌曰夜命茂多菟伊努毛夜霸餓  
夜霸餓乃相與違合而生兒大已貴神因勅曰吾  
兒宮首者即脚摩乳手摩乳也故賜号於一神曰

稻田宮主神已而尊遂就於根國矣及天津彦々  
 火瓊杵尊之為葦原中國之主也經津主神武  
 甕槌神到出雲國五十田狹之小汀問大已貴曰  
 皇孫君臨此地汝當須避大已貴對曰我子事代  
 主神在於出雲三穗之碕以釣魚遊鳥為樂以熊  
 野諸牛船載使者稻背懸遣之問之事代主曰今  
 天神有此勅問我父當奉避吾亦不可違因於海  
 中造八重葦柴籬踏船而避大已貴曰我子既  
 避吾亦當去如吾禦之國內諸神必當同禦今我  
 奉避誰敢不順乃投所枝廣矛於二神曰吾以此

矛卒有治功天孫若用此矛治國者必當平安遂  
 隱於百不足之八十隈於是皇孫天降於日向國  
 又曰高皇產靈尊造二神勅大已貴曰汝所治顯  
 露之事宜是吾孫治之汝則可以治神事又汝應  
 往天日隅宮者今當供造即以千尋栲繩結為百  
 八十紉其造宮之制者柱則高太板則廣厚又將  
 田供佃又為汝往來遊海之具高橋浮橋及天鳥  
 船亦將供造又於天安河亦造打橋又供造百八  
 十縫之白楯又當主汝祭祀者天穗日命是也於  
 是大已貴薦政神於二神曰是當代我而奉從也

即躬被瑞之八坂瓊而長隱經津生神以歧神為  
 鄉導周流削平有逆命者即加斬戮歸順者仍加  
 褒美是時歸順之首渠者大物主神及事代主神  
 乃合八十萬神於天高市師以身天陳其誠款之  
 至時高皇產靈尊勅大物主神汝若以國神為妻  
 吾猶謂汝有疏心故今以吾女二穗津姬配汝為  
 妻宜領八十萬神永為皇孫奉護乃使還降之即  
 以紀伊國忌部遠祖手置帆負神定為作笠者彦  
 狹知神為作盾者天目一箇神為作金者天日鷲  
 神為作木綿者櫛明玉神為作玉者乃使太玉命  
 以弱肩被太手襪而代御手以祭此神者始起於  
 此矣

神書抄曰八十隈天日隅宮者共謂出雲國杵築  
 宮即是大社也又曰出雲在乾方日之所入也夏  
 至之日出於寅入於戌故以杵築為日隅宮一說  
 此宮在天上故曰天日隅宮  
 神祇令注出雲大社者素戔嗚尊也故朝廷及社  
 家此社祭素戔嗚矣而日本紀見之大社者天神  
 為大已貴所造供也素戔嗚行於根國故於中國  
 無降迹後世祭大已貴故合祭素戔嗚者也

余案素戔嗚建出雲清地宮娶稻田姬生大已  
 貴以手摩乳脚摩乳為其官省則大社為素戔  
 嗚亦有所据故以清地宮為杵築宮亦復為是  
 一說云出雲國飯石郡長者曰脚摩乳其女曰奇  
 稻田姬又名曾彼姬是素戔嗚尊之妃也

日前

神代卷曰神入天石窟而閉磐戶天下恒闇時思  
 兼神思而白曰宜圖造彼神象而奉招禱即以石  
 凝姥為冶工採天香山之金以作日矛又全剥真

名鹿之皮以作天羽鞞用此奉造之神是即紀伊  
 國所坐日前神也

紀伊國名草宮日前國縣大神者是也

神代卷曰五十猛神天降之時多將樹種而下然  
 不殖韓地盡以持歸遂始自筑紫凡大八洲國之  
 內莫不播殖而成青山焉所以稱五十猛命為有  
 功之神即紀伊國所坐大神是也 又曰素戔嗚  
 尊之子号曰五十猛命妹大屋津姬命次抓津姬  
 命凡此三神亦能分布木種即奉渡於紀伊國也  
 神名帳曰紀伊國名杵郡伊曾太祁神社是也或



曰。日前國縣之末社也

### 太玉

此社者。忌部氏之祖神也。所謂忌部。遠祖太玉命。者高皇產靈子。思兼神弟也。神名帳大和國高市郡太玉神社。四座事。在春日神語中。此神之裔。忌部廣成撰古語拾遺。一卷。與日本紀同行於世。

### 高市

舊事紀事代主神坐倭國高市郡高市社亦云其南備飛鳥社事代主者大己貴之子

### 手力雄

神代卷曰神入天石窟時手力雄神立磐戶之側日神以御手細開磐戶窺之時手力雄神則奉承御手引而奉出

神書抄曰伊勢內宮相殿左脇祭此神此神者思兼神之子也為春日別社或云一言主神或云戶

隱明神皆是也

或說曰多力雄命取岩戶拋空落在信州戶隱故曰余也多力雄命者今常州志津明神也

### 西宮

俗稱蛭兒為西宮夷二郎又号澳夷

日本紀伊弉諾伊弉册為夫婦生蛭兒便載葦船而流之又曰蛭兒雖已三歲脚猶不立故載之天磐椽樟船而順風放棄

舊事紀第四大已貴兄曰事八十神兄弟共欲嫁

因播國八上姬大已貴為奴而行事八十神亦負袋而行於是大已貴以免為媒得八上姬事八十神大恨云云事八十神者西宮五神之中也

### 木幡

神書疏山城國風土記曰宇治郡木幡社名天忍穗根命一書吾勝尊作天忍骨尊骨與穗根二字訓通神名帳曰山城國宇治郡許波多神社三座蓋吾勝尊不降下土故無山陵而祀其靈名木幡神社是天

照太神之子也

### 鹿島

神代卷伊弉諾尊斬軻遇突智，劔鐔垂血，激越為神，号曰甕速日神。次燖速日神，其甕速日神是武甕槌神之祖也。亦曰甕速日，命次燖速日，命次武甕槌神。

又曰高皇產靈尊使經津主神於葦原中國時有，天石窟所住神稜威雄走神之子。甕速日神甕速日神之子燖速日神，燖速日神之子武甕槌神。此

神進曰：豈唯經津主神獨為大夫而吾非大夫者哉？其辭氣慷慨，故以即配經津主神。今乎葦原中國二神降到出雲國，于時大己貴神及其子事代主神共避隱於是一神，誅諸不順鬼神等。而後皇孫降於日向襲之高千穗峯。

神書抄曰：武甕槌者常陸國鹿嶋明神是春日第一神殿也。

天書曰：武甕槌者天之進神也。其先出自稜威雄走者，昔有天閭霧方四里許，其中有小孔，化為石窟，窟中有神是謂雄走。走至甕速日甕生燖速日。

燻生武甕槌

### 香取

神代卷曰伊弉諾尊拔所帶十握劍斬軻遇突智  
劍刃垂血是為天安河邊所在五百箇磐石也即  
此經津主神之祖矣。

又曰高皇產靈尊與會諸神選當遣於葦原中國  
者余曰磐裂根裂神之子磐筒男磐筒女所生之  
子經津主神即令平葦原中國而後皇孫天降云

神代卷劍鋒  
無血敷越為  
神号曰磐裂  
神次根裂神  
次磐筒男命  
及磐筒女命

又曰天神遣經津主神武甕槌神使乎定葦原中  
國是時齋主神号齋之大人此神今在東國檝取  
之地也 神書抄曰齋主祭神之主也經津主神  
之別称檝取地名在東海道下総國一作香取今  
為郡名故經津主号香取明神是春日第一神殿  
也

天書曰經津主神者天之鎮神也其先出自諸尊  
初諾尊軻遇突血成赤霧天下陰闇直達天漢化  
為二百六十五度七百八十二磐石是謂星度之  
精也氣化為神号曰磐裂是謂歲星之精裂生根

去是謂榮感之精去生磐筒男是謂太白之精男  
生磐筒女是謂辰星之精女生經津主是謂鎮皇  
之精

### 三嶋

世傳聖武天平五年三嶋明神現

神代卷伊弉諾尊拔劍斬軻遇突智為二段其一  
段是為大山祇神鈔曰伊豆國賀茂郡三嶋神社  
攝津國島下郡三嶋社伊豫州越智郡大山積神  
社此三所共一神也

又曰事代主神化為八尋熊鰐通三嶋溝檝姬

一作  
瀧咋

伊豆三嶋明神者移伊豆三嶋以祭之伊豆守實  
綱患旱祈之令能因法師詠和歌俄大雨木不枯  
太宰大貳佐理任罷自鎮西遷至伊豫國泊風浪  
惡而不出舟其夜夢三嶋明神告曰請書社額翌  
日佐理書以懸之風乃順而發舟佐理本朝無雙  
之能書也其額曰日本撻鎮守三嶋大明神

### 生田

攝州

日本紀雜日女尊坐于齋服殿而織神之御服也

申社

素戔鳴尊見之則逆剥斑駒投入之殿内。稚日女尊乃驚而隨機以所持拔傷體而神退矣。稚日女者天照太神之妹也。

又曰神功皇后時稚日女尊誨之曰吾欲居活田長支國因以海上五十狹弟令祭之。

### 長田 攝別

日本紀神功皇后歸自征三韓時於天事代於屋事代玉籤入彦嚴之事代主神託而誨之曰祠吾

于御心長田國乃以葉山媛之妹長媛今祭之山背根子力之女也

村上天皇應和二年七月十五日祈雨于長田社

### 諏方

舊事本紀天孫降臨時大己貴神第一之子健甞名力命欲拒天孫於是經津主神遣歧神逐之健甞名力命逃到信濃國諏訪郡迫甚而請曰願得此郡以為父母之讓不為天神之恩而作吾居則

神代卷之三

吾豈奉背天孫哉。因茲經津主神以諏訪一郡附  
 于健御名命。是即諏方明神也。神皇正統紀大  
 物主神子健御名方力美神者事代主之弟也。今  
 諏訪明神是也。云神功皇后征三韓時天照太  
 神託以住吉明神。諏訪明神令為輔佐。神祇伯顯  
 仲歌曰。諏方乃宇美能舉保利乃羽倍能訶譽妣  
 智波俄弥乃和多理底。如遇婁儺里概里。  
 弘仁六年東刈置經之時。信列太山寺正智預上  
 野千部緣便寫二百部。馱而發。忽馬不食。加鞭答  
 不能動。已而逾信宿。殆廢行裝。時諏訪大神託曰。

我欲受最澄師勸緣。而夫由也。故示此異耳。今我  
 助送此經。預幹功之一身言已。衆馬皆齟。別界艱  
 嶮。吾國之蜀道也。本是駑駘。疾如驥。驥智等嘆神  
 言之不食矣。

信濃諏方下野宇都宮。專狩獵。供鳥獸。諏方託宣  
 曰。業盡有情。雖放不生。故宿人中。同證佛果。俗傳  
 師過江。列湖。鮒魚入舟。僧說法曰。汝放不可生。縱  
 生不可久。生者必死。汝身入我腹。我心入汝身。不  
 我我人。故我行業。為汝行  
 業。必可出離。遂殺而食之。

五條天神

神代卷大已貴命與少彥名命經營天下復為蒼生及畜產定其療病之方又為攘鳥獸昆虫之災異定其禁厭之法百姓咸蒙恩賴案少彥名命者高皇產靈尊之子也即是五條天神也今每年節分人皆詣此社取餅及白木為除疾病也蓋神代之遺風耶

天子不豫或世間騷動時五條天神宮被懸鞞矣鞍馬山有員勒明神是亦被懸鞞之神也昔懸鞞于勅勘者家則人不得出入勅勘者看督長之所員者也

者也

道綱卿子道命阿闍梨誦經其音叶律呂命雖為僧然甚好色一夕通知泉式部及曉命誦經兩三卷夢一老翁來聞經命問誰乎答曰我棲于五條西洞院邊阿闍梨讀經時諸神來聞聽今夜活穢而誦故諸神不到我伺其隙而來此云

南宮俗号南宮大菩薩

余聞之美濃國人曰南宮山神者天武天皇白鳳



之初所建祭也其華表題曰正一位勳一等金山  
 彦大神金山彦者何神乎余答曰日本紀神代卷  
 所謂伊弉册尊將生火神時悶熱懊惱而吐即化  
 為神號之金山彦是也此神於五行為金神於是  
 乎其父又言曰初美濃國不破郡府中祭之後移  
 于郡之南仲山故号南宮祭祀供魚鳥凡產于美  
 濃者必以南宮為氏神云余復告曰天武天皇自  
 吉野經伊勢入美濃塞不破關遂擊大友皇子蓋  
 於此時有所祈于美濃中山而後建神祠耶其人  
 答曰彼社家者亦云余余復詰問之答曰朝敵平  
 將門頭傳言飛入洛時袖放矢射其頭今俗称箭  
 路御首宮者是其緣也

住吉明達天慶三年正月於美濃山南神宮寺  
 修四大王法降將門二月十三日午時赤雲自  
 東來入爐壇須臾臭氣盈場十四日將門伏誅

### 宗像

一作曾肩 一作曾形

神代卷曰天照大神與素戔嗚尊乃取其十握劍  
 所生神号曰田心姬次湍津姬次市杵嶋姬凡三  
 女矣大神勅曰十握劍者素戔嗚尊物也此三女

神ノ悉是レ尔ヲ，子トテ便授之素戔嗚ニ。此筑紫胸肩君等所ツキ祭神是也。

神書疏云：神名帳筑前國宗像郡宗像神社三座

是也。田心姬胸肩、湍津姬宇佐、市杵島姬安藝嚴。

真信公忠平居小一條，是宗像明神所移坐。自筑

紫也。從洞院後路而下，車為備雨。時布於于小路

時々神現形，與公語。或時神告其位，卑於公。公奏

增神位云。

### 宇佐

神代卷日，神食素戔嗚尊，握劍化生兒瀛津嶋

姬命，亦名市杵嶋姬命，又食九握劍化生兒湍津

姬命，又食八握劍化生兒田霧姬命。即以三女神

使降居于葦原中國之宇佐島矣。今在海北道中。

號曰道主貴。此筑紫水沼君等祭神是也。

宇佐嶋在筑紫之豐前，刈案宇佐宗像嚴嶋三

所共祭。此三女神，其後宇佐祭八幡也。事在八

幡語中。

嚴島

神代卷。天照大神以素戔鳴尊八坂瓊之曲玉化生神。號市杵嶋姬命。是居于遠瀛者也。神名帳安藝國佐伯郡伊都岐嶋社。

世傳嚴島明神者。婆娑竭羅龍王之女也。但未知其擬矣。娑竭羅女者。以寶珠獻正尊而唱南方無垢之成道者也。

傳記云。推古帝時。內舍人佐伯鞍職釣于恩賀嶋。見舩來自西方。張紅帆。舩中有瓶。瓶中有杵。著赤幣。有二神。女曰。我名嚴島大神。守護百王。鞍職怖。

問曰。以何為信。女曰。王城客星現而鳥舍榊枝於。是鞍職奏事。果驗。帝奇之。勅建官社。此神者。

天照太神之孫。沙竭羅龍王之娘也。本地則大宮者。天日弥陀普賢弥勒中宮者。十十面觀音。客人宮者。多聞夫眷屬神者。釋迦藥師不動地。藤也。惣号八幡別宮。又曰。安藝嚴嶋與越前氣比。雖有西海北陸之異。而喻金剛胎藏兩界。弘法大師請安藝嚴嶋供法味。神現曰。所祈何事。法谷曰。末世祈菩提者。願神賜道心。餘何望哉。神諾而隱。尔來上人高僧多詣此社。或時一。

松載盛表  
記嚴嶋託  
靈曰法身  
愷寂靜滯  
淨無二相  
為度衆生  
故示現大  
明神。

僧來請見其奈供海中群鱗不知其數僧心謂  
和光本地佛菩薩也專慈悲戒殺生而今此供  
物亦可以疑因心祈之神託曰世之不知因果  
恣殺屠而有罪者欲供於我故讓罪于我其罪  
惟輕其生類報命盡而為祭供以此因緣為佛  
道方便是以令取其報命已盡之鱗類以祭我  
矣於是僧解其疑

承安四年三月上皇及建春門院高倉院母華嚴嶋今  
右大辨藤俊經製願文其略曰伊都歧島者極聖  
和光之砌太權垂迹之地青松蒼栢之託根多送

五百回之年自貴賤高下之運心不遠千萬里之  
風烟海中之仙嶋也省繁波之浮蓬壺沙濱之靈  
祠也知龍宮之近苔壩可以採不死之藥可以得  
如意之珠勝絕之趣譜不可盡又曰奉鑄顯大明  
神本地正躰御鏡三面奉書金字宏華經心經六  
日經太日真言等所奉納也其外師子馬鞍刀劍  
弓箭復有色馬又有八女共施册青專捧幣云

### 比賣語曾

垂仁天皇時都怒我阿羅斯等在意富加羅國黃

牛負田器將往田舎黃牛忽失則尋迹覓之跡留  
一郡家中時有一老夫曰汝所求牛者入於此郡  
家中然郡公等曰由牛所負物而推之必設殺食  
若其生覓至則以物償耳即殺食也若問牛直欲  
得何物莫望財物使欲得郡內祭神云尔俄而郡  
公等到之曰牛直欲得何物對如老父之教其所  
祭神是白石也以白石授牛直因以將來置於寢  
中其神石化美麗童女於是阿羅斯等大歡之欲  
合然阿羅斯等去他處之問童女忽失也阿羅斯  
等大驚之問已婦曰童女何處去矣對曰向東方

則尋追齋遠遠浮海以入日本國所求童女者至  
于難波爲比賣語曾社神至豐國國前郡復爲  
比賣語曾社神並二處見祭焉日本紀六  
神籍曰攝津國東生郡比賣語曾神社者下照姬  
也下照姬者大己貴之女天稚彥之妻也延喜  
式第三名神祭部曰攝津國比賣許曾神社一座  
注云亦号下照比賣

### 士呂備

神代卷伊弉諾伊弉册生吉備子洲舊事紀神名

曰吉備津彦吉備津姬。

又曰素戔嗚尊斷蛇之劍今在吉備神部許也而  
上在大和石上此又在吉備姑存兩說耳

日本紀孝靈天子彥五斗狹芹彥命亦名吉備津彥命

又生稚武彥命是吉備臣之始祖也

又曰應神天皇二十一年幸吉備割吉備國封御

友別之子分川嶋縣封長子栢速別是下道臣之

始祖也次以上道縣封中子仲彥是上道臣香屋

臣之始祖也次以三野縣封弟彥是三野臣之始

祖也復以波區藝縣封御友別弟鴨別是笠田之

始祖也即以苑縣封兄浦疑別是苑丘之始祖也

即以織部縣賜兄媛是以其子孫於今在于吉備

國是其緣也

社家者說云孝靈天皇三子其一者備前一宮其

一者備中一宮其一者備後一宮也又云備中國

吉備津宮裏有釜每有祈事巫人燂湯而浸竹葉

以灌身又詣神者欲試事莫染盛于釜前祝唱畢

燃柴則釜鳴如牛聲即吉若釜不鳴則即凶云

阿蘇

日本紀景行天皇十八年巡狩筑紫六月到阿蘇國其國郊原曠遠不見人居天皇曰是國有人乎時有二神曰阿蘇都彥阿蘇都媛忽化人以遊詣之曰吾二人在何無人耶故号其國曰阿蘇

熱田

昔素戔嗚尊謫雲州有老公媪中坐少女而泣女甚美素尊問何為哭對曰我有八兒其七已為蛇吞今此一女又無由脫故哭素尊曰與女於我可

解此怒父母喜曰諸素尊問曰其蛇何形對曰八首八尾甚可怖也素尊乃設八糟盛以醞酒裝女置山頂其影沈八糟大蛇見之以為真女便搖八頭飲八糟已而醺醉不寤素尊拔所佩十握劍斬蛇至一尾及少缺割而見之有寶劍素尊奉劍於天照大神大神曰我屏天巖時落此劍于近洲伊布貴山是我神劍也大神命其孫瓊杵尊降此國付三神器為國鎮劍其一也累世為國寶至崇神皇帝恐劍靈威召良冶摸打獻舊劍于伊勢大神宮新劍留玉宮景行之世東夷叛帝以皇于日本

武尊爲元帥征夷。武尊承詔東征先詣伊勢大神  
宮大神賜此劍赴東武尊佩劍至駿列浮鳥原諸  
夷謀曰皇子神威夷族不敢拒命此地宜遊獵皇子  
白言皇子神威夷族不敢拒命此地宜遊獵皇子  
原遊可乎武尊諾已而夷族縱火于時初冬窮野  
枯草烟焰迅飛武尊拔劍揮之四旁一里草木皆  
夷其火自止初蛇帶此劍其尾常有雲氣故曰天  
叢雲劍至此名草薙劍武尊自東歸還劍於勢宮  
其後以劍藏尾刈熱田神祠

日本紀日本武尊東征還於尾張即娶尾張氏之

女宮簀媛而淹留躑躅於是聞近江膽吹山有荒  
神即解劍置於宮簀媛家而徒行之至膽吹山山  
神化大蛇當道武尊跨蛇猶行時雲霧無路武尊  
始有痛身遷於尾張爰不入宮簀媛之家使移伊  
勢而到尾津遂崩于能褒野時年三十又曰日本  
武尊所佩草薙橫刀是今在尾張國年魚市郡熱  
田社

神代卷曰草薙劍在尾張國吾湯市村即熱田祝  
部所掌之神是也又曰草薙劍音在素戔嗚尊許  
今在於尾張國也



神皇正統記曰官箚媛者尾張稻種宿禰之女也  
天智天皇七年盜竊熱田社草薙劍盜者道行也  
新羅沙門道行聞劍靈欲之乃入神祠持誦一百  
日竊取劍裹僧伽梨携至築紫赴本邦忽海風暴  
起波怒水激不得去凡行取劍三回皆不得始持  
誦七日取劍而出俄黑雲一帶自空下奪劍送到  
神祠行益欽劍靈又持誦五十日取劍至近列蒲  
生郡黑雲下奪如先至此持念百白遠至築紫而  
遂不得道行亦名道智

余嘗欲修本朝綱目有志而未果逮見道智之

竊神劍也慨然試筆削曰盜竊草薙劍不古得  
昔聖人作春秋齊豹陽虎書盜况其餘乎况  
妖僧之智乎書以為戒庶世竊之輩有懼也然  
闕入太社門徒丁年闕入中社門杖八十亂入  
小社中笞五十是衛禁律之所載也道智誠不  
免誅焉而又神官亦不得無罪矣哉虎兕出於  
柙龜玉毀於櫝中是誰之過歟神官官司何不  
能守哉吾於是乎見神劍之弥靈也浮屠之益  
妖也神司之猶怠也

延喜式第三云尾張國熱田社每年春秋二節節

別屈僧六十四口。轉讀金剛般若經一千卷。其布施供養以神封物充之。

宋景濂羅山集日東曲云。玉環妖血污寰中。豈有

靈祠祀鬼雄。莫是仙山真繚繚。雪膚花白主珠宮。

國有楊貴妃祠

余案支那諸書指言蓬萊者。於日本有三所。一

曰紀刈熊野。一曰駿刈富士。一曰尾刈熱田。

惟肖東海瓊華集曰。世傳秦冷市上書。始皇請與

童女五百人入海求三神山不死藥。而得海嶋。遂

留不還。即我朝尾刈熱田神祠是也。或曰紀刈熊

野熊野者。未之見也。熱田者。千礎萬楹。涌出平沙

之上。前瞰碧海。晴豁萬頃。與天無際。殆庶乎神仙

樓真佳境也。夫秦氏之并吞也。六國侯王天下智

勇屈其策。摧其鋒。無不被之污讎。唯武陵種桃之

客。商嶺采芝之翁。及徐氏求藥之舉。超然引去。况

乎使五百人同脫虎口之厄。其偉圖宏畧。賢於桃

客芝翁甚絕。則夫精英為神為仙。騁靈千載。世所

傳者。不可誣矣。

曉風集云。尾張之熱田大明神。則楊貴妃也。畧在

仙傳拾遺。楊什伍云。東海上蓬萊。是指熱田。蓋熱

田，厩前有山，松茂森森，然是号蓬萊，俗相傳云熱田大明神化揚貴妃，亂彼太唐，故玄宗困天寶之蒙塵，熱田之厩，皆有一基之石塔，其長二尺，計其形太醜，巫祝等指之曰：貴妃之塔婆也。又厩外有玄宗太輔之祠，僉云玄宗三郎之祠也。貴妃謂揚什伍曰：此後一紀當相見，願保聖躰。是其證也。其外熱田有八劍宮等靈處，皆神祕而無知焉。壹和止興福寺，有才譽與祥之齊名，而延少於和。天曆二年，勅祥延為維摩師，和抱憤廢所業，隱尾刈熱田神祠，有巫言：人禍福吉凶無不中。一日以

采與衆人，時和在焉，獨不預也。衆人怪之，和又自疑。巫曰：彼比丘本寺之神，猶能管顧，弗吾所庇也。故不與采耳。於是旅人亡馬，此馬沛艾，人不得近，和聞巫言，怪喜私念，實如巫言，我捉此馬，不傷於嚙，踏便赴馬，馬又柔馴而不遷，衆人疑嘆。巫又大言曰：春日，明神今降來也。又向和曰：我未弃汝，汝何自棄哉？汝不知乎？天帝玉簡，夙記維摩講師祥延在先，壹和次之。和聞之，悔咎歸南京，四年果承維摩之詔。

惟蓮有至孝，國俗以亡人骨，安高野山，蓋伴弘法

太師龍華三會之太定也。蓮携母骨赴高野路次尾列熱田神祠。神官多忌諱。蓮不得宿。便寓神祠南門側。蓮知神忌觸。故又不敢近祠也。其夜大祝夢神官偉儀告曰。神寄語於祝。我今有高竈乙君珍饗。詰且使使者檢祠中。無入門側。只蓮一人而已。祝延蓮。蓮告觸事。祝曰。我夢受神語。知神之不忌師也。乃供盛饌送著紀列。

治承三年。流藤師長尾列。師長詣熱田。夜彈琵琶。明神現形。乘白狸告曰。吾在天為文曲星。一切衆生。本命元辰。在地為赤青童子。以司一切珍寶。

元曆元年七月。源賴朝造新社于鶴岡若宮之側。勸請熱田大明神。以為鶴岡末社。九月十日。祭之。

### 白鳥明神

日本紀。日本武尊歸自東征而至伊勢。能褒野崩時。年三十。仍葬。能褒野陵。其神化。白鳥出指倭國。而飛。群臣開棺。見之。空留明衣。白鳥停于倭琴彈原。仍造陵。其處。白鳥更飛至河內。留舊市邑。亦造陵。故三陵曰白鳥陵。然遂高翔上夫。從葬衣冠。一說曰。讚岐國有白鳥明神。是倭武尊也。自伊勢

國差西飛去止于此國云 又云倭武尊靈化為  
白鶴西飛止讚別

### 膽吹明神

伊布貴伊吹與吹並同一說在美濃國不破郡或作意布伎又作伊夫伎

素交鳴尊在出雲國斬八歧大蛇尾中有神劍所謂天叢雲劍也尊獻之于天照大神大神曰是吾入天岩戶時墮於近江國與布貴山者也其後及天孫降臨投此劍世々相承以為天子護身崇神帝御寓改鍛新劍置于宮中奉舊劍于伊勢大神宮建日本武皇子征東夷詣伊勢大神大神託大

和姬授其劍皇子到駿河國夷賊燎原野不可撲滅皇子拔劍揮之草木悉靡熾焰焚賊皇子無恙至是改名草薙劍已而東征歸于尾張聞近江國異布貴山有荒神而欲伐之以行神化為蛇當路皇子以為此蛇非真荒神因跨蛇徑行時山道雲霧大起皇子迷而失路遂痛身如醉偶得泉而醒因号其處曰醒井世俗以此故謂膽吹神為八歧大蛇之所變也

氣比明神

越前敦賀

日本紀仲哀天皇二年立氣長足姬尊為皇后二月幸角鹿即興行宮而居之是謂筥飯宮神功皇后十三年命武內宿禰從太子令拜角鹿筥飯大神大神名去來紗別神

香椎

日本紀作權日在筑前

承保四年香椎社回祿公卿宣云件社或林神功皇后廟或林仲哀天皇廟無一定資綱云仲哀天皇廟也見于允亮抄

日本紀仲哀天皇八年幸筑紫到難縣居檀日宮續日本紀天平寶字六年遣藤原巨勢麻呂奉幣于香椎廟為征新羅調習軍旅也

永享年中普廣院修河內譽田宗廟及神功皇后緣起共五卷其中云仲哀將伐三韓有夷賊塵輪者乘黑雲來侵帝令安倍高九介九射之塵輪頭空墜死其頭有八時流矢中帝帝俄崩於是皇后從遺詔為男子形長九尺二寸衣甲冑發兵船赴新羅高麗百濟皆降皇后以弓書石碑曰高麗王者我日本之大也其後高麗人欲消碑文而遂不磨滅所謂騎射有矢追者是其錄也云

宇跡

筑前國。一曰宇美宮

日本紀足仲彥天皇九年二月崩於築紫檀日宮  
十月皇后神功征新羅皇后從新羅還之十二月  
戊戌朔辛亥生譽田天皇於築紫故時人号其產  
處曰宇跡也

箱崎

筑前國那珂郡

此社者譽田帝之祠也地近博多是順服異國之意也

古老云昔此松原埋戒定慧二字之箱故号曰  
箱崎栽松于其處以為標至今猶在焉  
緣起云昔白幡四流赤幡四流自空降下於其  
處栽松為表故有八幡之號

松浦

日本紀神功皇后北到火前國松浦縣而進食於  
玉嶋里小河之側於是皇后勾針為釣取粒為餌  
抽取裳糸為縉登河中石上而投鈎祈之曰朕西

欲求財國若有成事者河魚飲鈎因以舉竿乃獲  
細鱗魚時皇后曰希見物也希見此云故時人号  
其處曰梅豆羅國今謂松浦訛焉是以其國女人  
每當四月上旬以鈎投河中捕年魚於今不絕唯  
男夫雖鈎以不能獲魚  
風土記云昔若氣長足姬尊在松浦山遙覽國形  
而勅祈曰天神地祇為我助福乃用御鏡安置此  
處其鏡化為石而在山故名曰鏡宮氣長足姬者  
神功皇后也

續日本紀第十三天平十二年八月太宰少貳藤  
原朝臣廣嗣上表指時政之得失陳天地之災異  
因以除僧正玄昉法師右衛上督從五位上下道  
朝臣真備為言九月廣嗣遂起兵反勅以從四位  
上大野朝臣東人為大將軍從五位上紀朝臣飯  
麻呂為副將軍軍監軍曹各四人徵發東海東山  
山陰山陽南海五道軍方七千人委東人等持節  
討之十月大將軍東人等言逆賊藤原廣嗣率眾  
一萬許騎到板櫃河廣嗣親自率軍人為前鋒  
即編木為船將渡河于時佐伯宿祿常人安倍朝



臣虫麻呂發弩射之廣嗣衆却列於河西常人等  
率軍士六千餘人陳于河東即令隼人等呼云隨  
逆人廣嗣拒捍官軍者非直滅其身罪及妻子親  
族者則廣嗣所率隼人并兵等不敢發箭手持常  
人等呼廣嗣十度而猶不答良久廣嗣乘馬出來  
云承勅使到來其勅使者爲誰常人等答云勅使  
衛門督佐伯大夫式部少輔安倍大夫今在此間  
者廣嗣云而今知勅使即下馬兩段再拜申云廣  
嗣不敢捍朝命但請朝廷亂人二人耳廣嗣敢捍  
朝廷者天神地祇罰殺常人等云爲賜勅符喚大

宰典已上何發兵押來廣嗣不能辨答乘馬却還  
時隼人三人直從河中泳來降服則朝廷所遣隼  
人等扶救遂得著岸乃降服隼人二十人廣嗣之  
衆十許騎來歸官軍獲鬻器械如別又降服隼人  
贈啖君多理志佐申云逆賊廣嗣謀云從一道往  
即廣嗣自率大隅薩摩筑前豐後等國軍合五千  
人從鞍手道往綱手率筑後肥前等國軍合五千  
許人從豐後國往多胡古麻呂丁知所率軍數從田河道  
往但廣嗣之衆到來鎮所綱手多胡古麻呂未到  
十月東人等言進士無位阿倍朝臣黑麻呂以今

月二十二日丙子捕獲逆我廣嗣於肥前國松浦郡值喜鳥長野村十一月東人等言以今日一日於肥前國松浦郡斬廣嗣綱手已訖管成以下從人已上及僧二人者禁正身置太宰府其歷名如別又以今日三日差軍曹海犬養五百依發遣令迎逆人廣嗣之徒二田兄人等十餘人申云廣嗣之船從知賀嶋發得東風往四箇日行見嶋船上人云是耽羅嶋也于時東風猶弱船留海中不肯進行漂蕩已經一日一夜而西風來起更吹還船於是廣嗣自捧驛鈴一口云我是大忠臣也神

靈棄我哉乞賴神力風波暫靜以鈴投海然猶風

波弥甚遂著等保知賀嶋色都嶋矣廣嗣式部卿

馬養之第一子也

道春謂馬養訓與字合首相所故所々通用

同十八年六月己亥僧玄昉死俗姓阿刀氏靈龜

二年入唐學問唐天子尊昉准三品令著紫袈裟

天平七年隨大使多治比真入廣成還歸齋經論

五千餘卷及諸佛像來皇朝亦絕紫袈裟著之尊

為僧正安置内道場自是之後榮寵日盛稍乘沙

門之行時人惡之至是死於從所世相傳云為藤

原廣嗣靈所害

去年十一月乙卯遣玄昉造紫觀世音寺庚子秋玄昉封物

天正十八年築紫觀世音寺成。玄昉為慶導師，乘輿入殿，忽空中捉提昉，昉騰不見。後白昉頭落，興福寺，唐院蓋藤，廣繼之靈為之也。其靈今之松浦明神也。世言廣繼妻甚美，昉潛通焉。廣繼大怒，與昉有卻。一說云：廣繼與官軍戰，敗而大怒，鞭其所騎駿馬，遂馳入海中，死。後數年，其靈書玄昉法師，其後昉頭墮于興福寺。其頭上有玄昉二字云。

河海抄云：古老傳言式家始祖藤原宇合，一男廣繼，叛於西府。於是勅大野東人為大將軍，率官兵討之。時廣繼不利，自拔刀斬頸，飛升空，蹶殺官軍。其靈化為赤鏡，見者多死。今肥前國松浦郡鏡明神是也。

### 高良

高良明神者武內宿禰之靈也。案日本紀之說，孝元天皇死，伊香色譴命生彥太忍信命。是武內宿禰之祖父也。景行天皇三年，屋主忍男武雄心命一云武猪心請紀伊國居于阿備，柏原娶紀直遠祖菟道彥之女影媛，生武內宿禰。余由此見之。孝元子彥太忍信其子武雄心，其子武內也。武內凡事六

君景行成務仲良神 其壽殆二百十餘歲景行初

生而仁德七今案景行二十五年遣武内察北陵

及東國二十七年遷自東國奏蝦夷之事五十一

年以武内為棟梁臣成務天皇二年武内為大臣

仲良天皇九年崩皇后神功及武内殞欽天皇屍

于豐浦宮明年武内蒙皇后命抱皇子應神泊於

紀伊水門又令武内伐忍熊王忍熊王戰死皇后

十三年太子應神拜筒飯大神武内從焉應神天

皇七年命武内作韓人池九年遣武内于築紫監

察百姓是年武内依其弟甘美内之讒而與甘美

内探湯武内勝之仁德天皇五十年河内國茨田

鷹產天皇詠和歌武内答歌

高良明神者在八幡之別宮天武二年二月八日

高良神託云譽田天皇御宇為晨昏武略之健將

公卿補任云武内大臣在官二百四十四年春秋

二百九十五年丁卯薨或云未詳没年與前不同

一說云高良神者玉無命也神功皇后與韓兵

戰于海上時詔高良明神令投于珠滿珠于海中

遂戰勝故号高良曰玉無命

### 玉津嶋明神

天璽國押開豐櫻彦天皇神龜元年十月幸紀伊國詔曰登山望海此間最好不勞遠行足以遊覽故改弱濱名為明光浦宜置戶守勿令荒穢春秋二時差遣官人奠祭玉津島之神明光浦之靈玉津島神者衣通姬也案日本紀允恭天皇之后忍坂大中姬之妹容姿絕妙無比其艷色徹衣而晃之是以時人号曰衣通即姬天皇喚即姬即姬畏皇后而不參天皇強而七喚以來之因皇后之嫉別構殿屋於藤原而居八年春二月幸于藤原

密察衣通姬之消息是夕衣通即姬戀天皇而獨居其不知天皇之臨而歌曰和餓勢故餓句倍枳豫臂奈利佐瑳餓泥能區茂能於虛奈比虛豫比辭流辭毛夫皇聆是歌則有感情即姬奏言妾常近王宮而晝夜相續欲視陛下之威儀然皇后則妾之姊也恒恨陛下亦為妾苦是以異離王居而欲遠居天皇更興造宮室於河内茅渟而令居十一年三月幸於茅渟宮衣通即姬歌之曰等虛倍途枳弥母阿閉椰毛異舍難等利宇弥能波摩毛能余留等枳等枳弘時天皇謂衣通即姬曰是

歌不可聆他人。皇后聞必大恨。故時人号濱藻謂  
奈能利曾毛也。先是衣通即姬居于藤原宮。時天  
皇詔大伴室屋連曰。朕頃得美麗孃子。是皇后母  
弟也。朕心異愛之。與其名欲傳于後葉。奈何。室屋  
連依勅而奏可。則料諸國造等爲衣通即姬。定藤  
原部。

### 蟻通

昔未詳何時世也。唐將擊我邦。試贈七曲玉環。上  
下內通。且告曰。以繩貫此玉。衆人不知所爲。于時

有中將其取蟻。繫細糸其腰。以蜜塗環孔口。而入  
蟻。蟻聞蜜香。遂得通入。而出。於是以其糸所貫玉  
環。遷于唐。唐人驚曰。日本國人其賢哉。遂不肯攻  
我。其中將進至大臣位。死而爲神。有人請其社。夜  
夢告歌曰。那那和多尔磨。我戾留他摩。乃於於奴  
幾込。阿里騰烏志登波。倭禮波志羅須夜。  
紀貫之集貫之歸。自紀伊國時。馬病將斃。路人僉  
云。此所坐之神。爲崇貫之思。此所無社。又無誌。而  
欲祈。亦無幣帛。因濯手跪而問。名答曰。蟻通明神。  
乃詠和歌曰。加枳句毛利。阿夜梅毛志羅奴。於保

曾羅介阿里登保志鳥波於毛布倍志耶波於是  
馬遂能行古事談曰賁之遷自和泉國時也

余見一雜書名萬書統宗者其中云孔子以絲  
條蟻貫九曲環而未詳所據然又吾為聖人不  
敢取也

### 宇治橋姬

姬太神者居宇治橋下故号橋姬又名宇治玉姬  
離宮神夜通橋姬時每曉波大有聲離宮者在宇

治比一說云住吉明神與宇治橋守神通云

承平年中平貞盛為大將軍藤原忠文為征東將  
軍伐平將門將門伏誅諸將以功封賞獨忠文依  
藤實賴公之訖而不預焉藤師輔屢言之帝不聽  
忠文怒而憂死其靈乃宇治離宮明神也

### 足羽

足羽明神者繼體天皇也案日本紀天皇譽田天  
皇五世孫彥主人王子也母曰振媛自近江國高

嶋郡。二尾之別業遺使聘于三國坂中井。中比納云耶

以為妃遂產天皇振媛歸寧高向。高向者越前國邑名奉養

天皇。天皇壯太愛士禮賢意豁如也。小泊瀨天皇

崩而無繼嗣。元年大伴大連金村大連議迎天皇

於三國。天皇行至樟葉宮。大伴金村大連乃跪上

天下鏡劔重府再拜。



